



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Vt dum episcopus eligitur, si contradictores habeat, quinque episcopi
conueniant. vi.

urn:nbn:de:hbz:466:1-10722

D. BURCHARDI EPIS. VVORMAC.

gociorum ad vnam beati principis apostolorum Petri sedem confluere, vt inde suscipiant finem iudiciorum, vnde acceperunt initium institutionum, ne quandoque à suo discreparent capite.

Vt summus sacerdos non vocetur Romanus pontifex, sed primæ sedis Episcopus. Cap. III.

Ca. Afri
cano. 6. **V**T primæ sedis episcopus non appelletur princeps sacerdotum, aut summus sacerdos, aut aliquid huiusmodi, sed tantum primæ sedis Episcopus.

Quodd bipartitus sit ordo sacerdotum. Cap. IIII.

Ex episto
la Ana-
cleti pa-
pæ missa
omnibus
Episcopis
et reli-
quis sacer-
dotibus,
cap. 18.
Sacerdotum, fratres, ordo, bipartitus est, & sicut dominus illum constituit, à nullo debet perturbari. Scitur autem apostolos à domino esse electos, & constitutos, & postea per diuersas prouincias ad prædicandum dispersos. Quum verò messis cœpit crescere, videns paucos esse operarios, ad eorū adiumentum septuaginta eligi præcepit discipulos. Episcopi verò Apostolorum, presbyteri quoque, septuaginta discipulorum locum tenent. Episcopi autem non in castellis, aut in modicis ciuitatibus debent constitui, sed presbyteri per castella & modicas ciuitates atque villas, debent ab Episcopis ordinari & poni singuli tamè per singulos titulos suos. Amplius quàm isti duo ordines sacerdotum, nec nobis collati sunt, nec apostoli docuerunt.

Vt non laici, nec bigami, nec viduarum mariti, sed irreprehensibiles ordinentur Episcopi. Cap. V.

Ex decr.
Leonis pa-
pæ, titulo
33.
IN ciuitatibus quarum rectores obierint, de substituendis Episcopis hæc forma seruetur, vt is qui ordinandus est, etiam si bonæ vitæ testimonio fulciatur, non laicus, nec neophitus, nec secundæ coniugis sit maritus, aut qui vnam quidem habeat, vel habuerit, & quam sibi viduam copularit. Sacerdotum enim tam excellens est electio, vt quæ in aliis membris Ecclesiæ non vocantur ad culpam, in illis tamen habeantur illicita.

Vt dum Episcopus eligitur, si contradictores habeat, quinque episcopi conueniant. Cap. VI.

Ex cõcil.
Africa-
no, ca. 17
SED & illud est statuendum, vt quando ad eligendum Episcopum conuenerimus, si qua contradictio fuerit oborta, quia talia facta sunt apud nos, non præsumat ad

purgandum eum, qui ordināus est, tres episcopi iam, sed postulētur ad numerum supradictorum si haberi possunt duo, in eadem plebe cui ordinandus est, & discutiantur primò personæ contradicētium. Postremò etiam illa quæ obiiciuntur, pertractētur. Et cū purgatus fuerit sub cōspectu publico, ita demum ordinetur. Si hoc cum vestræ sanctitatis animo concordat, roboretur vestræ dignatiōis responsione. Ab vniuersis Episcopis dictū est: satis placet.

Quòd nolentibus clericis vel populis nemo debeat Episcopus ordinari. Cap. VII.

NVLLVS inuitis detur Episcopus, cleri, plebis & *Ex decr. Celestini papa, ca. 18.* ordinis consensus, & desiderium requiratur. Tunc alter de altera eligatur Ecclesia, si de ciuitatis ipsius clericis cui est Episcopus ordināus, nullus dignus, quo deuenire nō credimus, potuerit inueniri. Primū enim illi reprobādi sunt, vt aliqui de alienis Ecclesiis meritò præferantur. Habeat vnusquisque suæ fructum militiæ in Ecclesia, in qua suam per omnia officia transegit ætatem. In aliena stipendia minimè alter obrepat, nec alii debitam alter sibi audeat vendicare mercedem. Sit facultas clericis renitendi, si se viderint prægrauari. Et quos sibi ingeri ex transuerso cognouerint, non timeant refutare, qui si non, debitum præmium, vel liberum de eo qui eos rector est, debent habere iudicium.

Qui Episcopi sunt ordinandi, quòd debeant prius examinari. Cap. VIII.

QVI Episcopus ordināus est, antea examinetur, si *Ex cōcil. Carthaginensi, cap. 1.* natura prudēs est, si docibilis, si moribus tēperatus, si vita castus, si sobrius, si semper sui negotii cauens, si humilis, si affabilis, si misericors, si literatus, si in lege dñi instructus, si in scripturarū sensibus cautus, si in dogmatibus ecclesiasticis exercitatus. Et ante omnia, si fidei documenta verbis simplicibus adserat, id est, patrē, & filium, & spiritū sanctū, vnum dñm esse cōfirmans, totāmq; in trinitate deitatē, coessentialē, & cōsubstantialē, & coæternalē, & cōomnipotētem prædicans, singulāmq; in trinitate personam plenum Deum, & totas tres personas, vnum Deū. Si incarnationem diuinā non in patre neq; in spiritu sancto factā, sed in filio tantū credat, vt qui erat in